

巴陵縣志卷之三十八

人物志十一 列傳

國朝

許伯泰字魯瞻吳敏樹傳曰許孝子巴陵人縣之學生也名伯泰康熙間人也歲大疫伯泰之父聖行客長沙而病伯泰馳侍疾父病已而聞母在家病急時官有施藥者其藥良急求得之犯風下湘溺死洞庭中其夕母見伯泰來飲已以藥頃而汗出病大蘇呼伯泰家人告未至始言夢已乃知伯泰死也敏樹曰孝子之爲孝也豈不悲哉方其犯風泛舟急急歸誠不知擇及溺以死魂魄猶切切以母病爲急何其孝也而世之人子或父巴陵縣志

卷之三十八

人物志十一 列傳

一

母病篤漠然若無有彼殆與禽獸無異而許君獨至於此耶夫死而猶孝而孝安窮耶夫許君之孝而不得生盡其孝而以死而不可悲耶

陳學灝庠生年七十歲夙以孝友聞乾隆戊戌歲歉極力周卹里閭至鬻產以應人求

癸亥志

蔡增良性至孝母沒廬墓三年哭泣之哀終喪猶如初端午日折艾插墓前艾復生人以爲誠孝所致

壬申志

何繼詢從其兄行商於外舟行兄失足墜水中繼詢奮身擲下援兄出水繼詢力盡沒水死

壬申志

唐耀邦性孝友繼叔後叔病侍疾不入私室者二年後叔舉子

邦薄取田廬餘財悉讓弟弟家中落復推解周卹人稱有薛包之風年七十而卒

王申志

李隆文農家子也性至孝父死於除夕家貧歲饑無以爲饌隆文時年十六歲後終身除夕不茹暈母病兩刲股療之及母卒葬遇大雪不及掩土隆文臥穴側雪中里人憐而爲之廬居廬中三年每夜泣誦報母經族眾共額門曰宗族稱孝

王申志

楊望緒父文蔚患沈疴望緒日夜泣禱密封左股以進父病卽愈望緒族姪世燮父和顯病篤世燮刲股療之父至今尙存

廬同益母病割股合藥以進母病尋已官旌以額後母死同益

廬墓三年

王申志

巴陵縣志

卷之三十八

人物志十一 列傳

二

徐清盛性至孝親老朝望必焚香告天願減己算益親待香燼乃起父母病割股療之後父母俱得年八十有二

王申志

許欽楫候選巡檢少事母以孝聞咸豐閒紅巾賊充斥里閭欽楫數負母逃匿後奉檄團練措置有方以母故屢卻當事之徵侍母病不解衣就枕者數年嘗以事外出忽念母急籠燭歸風驟起滅燭嚴冰前阻絕澗昏黑不可渡方錯愕閒燭餘燼忽然而人謂鬼神呵護孝子也母歿楫朝暮上食如平生年七十有三其孺慕猶未衰云

余冠軍父早世母許氏病危冠軍割股肉以奉尤惜物命常買而放之

王厥攸荷塘鄉民也性質樸而孝祖母黃年九十六輟轉牀蓐閒衣服飲食需人而子婦復老且憊厥攸獨身侍祖母五六年如一日祖母歿叔祖以榮年八十無嗣事之一如其祖母其母晚年病消渴厥攸夜數起進飲無閒寒暑家小康析產爲二與兄各籌採其一居歲餘兄謂厥攸所得贏卽請互易之無吝色傅東疇少業賈性誠慤而孝母病篤東疇禱於神割左臂肉和藥進母疾良已

彭應元年二十喪父有弟三皆幼應元獨身力耕養寡母督諸弟專力於學妻早死僅一子遂不再娶後叔弟應徵領乾隆甲午鄉薦宰靈山季弟應徽爲庠生母壽九十三應元壽亦至九巴陵縣志卷之三十八人物志十一列傳三

十有一孫曾繁衍書香繼世

張萬嵐年八十歲始萬嵐弟歿時子女皆幼弱家故貧萬嵐攻苦食力不自娶專以所入育弟子劬勞備至歿後弟子菊村爲

立嗣置墓田以時祭享

癸亥志

胡九疇年七十兄弟久析爨兄子璋年十八以貧故廢學而傭

疇減衣縮食資璋讀歲奉璋傭值歸兄璋後入邑庠

癸亥志

何秦南父病篤割股療之後其父歿逢忌日必哀族黨以孝稱萬德澡邑庠生母早喪其父命眾子別居德澡罄產與諸弟歲課徒自給復割歲入之半奉父給諸弟父性卞急盛怒施扑撻德澡順受無忤色父出常夜歸德澡躬履所由途盡去其石之

妨於行者其他事多類此云

周祚柳字惠采父啟濤以篤行聞於鄉里喜爲詩年及八十祚柳不去左右侍疾恆達旦及病篤祚柳屢哀禱名山夜夢或謂已以汝孝故增汝父壽二歲明日林樹下當有以教汝越日大雨祚柳行過流沙礮巖土忽墮有物若黑烏者墮地尋之獲石一父病果愈其長孫貞陶攜此石都下謝編修維藩與諸同館定爲雷楔爲作秋巖獲石圖徵咏以誌孝感祚柳居父母喪皆三年不去墓所子焜邑庠生四世同居人謂孝子之報云

方榮炯一名明善字舜農江西候補府照磨割股療本生父方大浚字祥雲事母亦以孝聞

巴陵縣志

卷之三十八 人物志十一 列傳

四

易作謀德純次子孝事節母張氏歲禱大雲山求益母壽母病危作謀號慟籲天請身代割股和藥以進母竟愈善舉如建指路碑修橋梁可以成母志貽母令名者不遺餘力爲之母恆病起居飲食作謀必親視不離母側者四十餘年

據孫振鏌采訪

陳久韓父步芹母周氏年皆逾八十久韓終其身孝養無缺居喪三年不薙髮雖盛暑不去纓經刻木爲父母像供像之室候寒煖所宜而迭遷之出必稟命像前今年且七十距親歿二十

餘年不衰其孝蓋出於天性云

據采訪冊

李安玉耕夫也能事父母母卒廬墓三年樹長竿懸燈墓前曰使行人長念吾母有告以將采其事入志者再三祈免人莫測

其意

据采訪冊

彭大興父病年餘大興割股以進疾頓愈又其族政均早失母事老父以孝謹稱

李某字信軒兄弟數人多客游唯某與長兄嫂奉母居母獨愛長子子婦某不得與比數恆無故怒某然母病卧二十有餘年左右獨某在某侍母疾久食必具肉肉必使餘於母食徹則以歸兄嫂或他出歸必爲母述可戲笑事或效小兒女嬉態百計以博母歡卽遭呵斥不爲減同時又有喻某者母病瘖且痿某常負以行事母二十餘年求所以娛悅母者與李某畧同蓋聞之傅基儒云

巴陵縣志

卷之三十八

人物志十一列傳

五

戴宜春所居號燕窩戴家素業農以母疾禱大雲山歸而割股母啗之立愈事在光緒九年其弟升後偶與儕輩道之或驚詫之間其詳答云吾兄割股後病創父迫視乃知家人亦未嘗舉以告人不知此卽是孝也

任國琨之家僕曰興喜國琨隨父霞浦任所夢黃犬搖尾而前環繞國琨衣袖閒屢叱不去旦日門有老媪攜幼子求鬻國琨觸前夢挈之歸長勤謹主人之事無不辦積資至千金或勸之娶則笑而不應及國琨耄年家中落子喪孫幼倚興喜爲養終主人之身禮滋益恭不以訶譴形愠色撫主人遺孫萬澄澄子隆昌縣知縣鶴齡先後護持力尤多任氏曰吾家之不終替者

由僕興喜之義也然興喜竟以鰥終卒年八十一

巴陵縣志

卷之三十八

人物志十一列傳

六